



UNIVERSITÄTS-
BIBLIOTHEK
PADERBORN

Universitätsbibliothek Paderborn

Codex traditionvm Corbeiensivm

Falcke, Johann Friedrich

Lipsiae ; Gvelpherbyti, 1752

§. 125. De Cobbonis traditione pro nepote suo Amelung bonorum in pago Mosweddi et ad fluvium Albiam, nec non de villis quibusdam ad pagum Bardango spectantibus.

urn:nbn:de:hbz:466:1-36114

Ab anno 826 vsque 853 imperante Hludouico et

minef duof filiof cuiufdam nomine ello nec non et ancillas duas unam filiam tiadmanni et aliam raymanni testef folcuuert hem fidac horic euuurman folcmar.

§. 124.

Tradidit adalbodu pro anima fratris fui fuuyricdac in *boffesbus* (h) mansum unum unde supra scripti testef sunt.

§. 125.

Tradidit *cobbo* (i) pro remedio anime nepotis fui *amelung* (k) quidquid ipse habuit in pago *mosweddi* (l) et in aquilonali parte fluminis qui uocatur

De villa
Boffes-
bus.

(h) *Boffesbus* villa erat in pago *Auga*. Designatur locus per illam, dictus *Boffzen*, vix itinere dimidiæ horæ ab oppido Huxaria distans, sed cis flumen Wiseram, olim in comitatu Euersteinensi, hodie vero in Principatu situs Wolferbuttelano. *Christ. Franc. Paulinur* in *Historia Corbeiensi MS&A* de villa *Boffzen* fingit, seu potius ex Io. Lutzeri fictionibus repetit, Carolum Magnum in expugnatione castri Brunonisburgi ad radices saltus Sollingani collocasse lixas et calones, ab antiquis Saxonibus *Gebouetze*, hoc est, Gebouere, Boben vel Buben dictos. Cum igitur illi ibidem morati fuerint, inde locum istum ab istis *Boffen* quasi *Bouenheim* vel *Bubenheim* adpellatum esse, refert vterque. Sed quis non statim fabulam subodoratur? *Boffesbus* idem est ac domus cuiusdam *Bofonis*, cuius denominationis particeps, vti ex fratre abbatis Warini *Beuone* seu *Bouone* apparet, sine vilo dubio quidam e progenitoribus Ecberti et Luidolfi ducum fuit, vel alius cognominis, qui eandem villam primus incoluisse videtur. Villa *Boffesburium*, de qua vide §. 177, castro Brunonisburgo vicina fuit, et similiter ex quodam est *Bouone* adpellata.

De Cob-
bone.

(i) *Cobbo* is frater abbatis Warini, et filius ducis Ecberti atque Idæ, fuit, vti supra §. 29. not. (l) et §. 104. not. (n) demonsttrauimus.

De Ame-
lungo.

(k) *Amelungus*, vocatur nepos *Cobbonis*, ac *Cobbo* dicitur auunculus *Amelungi*. Habuit autem *Amelungus* sororem *Cobbonis Hadwygam*, quæ ab *Ufingio Hadwi* nominatur, vti supra §. 29. vidimus, in matrimonio. Id apparet ex his traditionibus infra §. 149, vbi *Hadwy* adpellatur vxor *Amelungi*, eiusque filii *Bennid* atque *Amalung* nuncupantur. Quodsi vero hi factores fuerunt illustrissimæ familiæ *Billingana*, vti supra demonsttrauimus, origo *Billingana* familiæ per feminas ab *Ecberto* duce Saxonie eiusque vxore *Ida*, ex sanguine regum Francorum oriunda, ita certa reddatur, vt de ea prorsus nihil dubitationis superfit.

De pago
Moswed-
di.

(l) *Mosweddi pagus* idem erit, qui infra (§. 211.) nominatur pagus *Moswidi*. Nisi hoc loco particula *et* addita esset, dubium restaret nullum, quin situs huius pagi exstiterit ad ripam fluminis *Albiæ* seu *Albis*, in vtraque fluminis ripa. Id tamen quodammodo indicare videntur traditiones, eundem pagum ad fluum *Albim* esse quærendum. Distinctum pagum fuisse *Mosweddi* a pago *Mofidi*, quem originale diploma *Heinrici II.*, ad annum 1004 datum, quod iam in manibus nostris est, habet, vti celeb. *Gruppenius* in *Orig. Pyrmont.* p. 15. sentire videtur, creditu est difficile. Quemadmodum enim villa *Wigmannesburstal*, a dicto caesare in pago *Mofidi* posita, vicus *Wigmannesburg* in præfectura *Medingen* in Principatu *Luneburgico* sita, esse non potest: ita villa *Benedesdorp*, eodem in pago a caesare locata, erit *Berndorf*, quæ in Veteri *Marchia* visitur. Quamuis vero maxima sit similitudo inter *Wigmannesburstal* et *Wigmannesburg*, negari tamen non potest, in regione, circa *Wigmannesburg* sita, extitisse pagum *Bardango*. Id ipsum ex villis apparet, quæ eidem pago *Bardango* in monumentis nostris adtribuuntur. Enumerabimus aliquas, quæ sic adpellantur, 1) *Holibeusen*, quæ nunc est *Holthufen* in præfectura *Ebstorf*: 2) *Aldendorp*, quæ est *Oldendorp* in eadem præfectura: 3) *Seeltesdorp*, quæ vel *Solgesdorp*, vel *Seckeldorp*, vel *Segelsdorp* in præfectura *Medingen* est: 4) *Niendorp*, quæ est *Niendorp* intra eandem præfecturam: 5) *Catelnidorp*, vulgo *Kollendorp*

uocatur albia cuius traditionis auctorem ipse *amelungus* adhuc uiuens elegit praedictum *auunculum* suum *cobbonem* atque ei potestatem praedictae traditionis contradidit testes huius traditionis sunt *bardo comes* (m) *uuulfrid uuigbert* (n) *hemmic suuithard rainheri* et alii XIII.

gubernante Corbeiam Warrino.

§. 126.

Tradidit *bardo comes* pro remedio animae *luidolfi* (o) familiae XVIII in

in praefectura Oldenstat: 6) *Wertside*, quae est Westide in praefectura eadem: 7) *Scotonbusen*, quae appellatur aetate nostra Studensen, sita intra eandem praefecturam: 8) *Suttorp* est Sottorp in praepositura Amelikhufen, vel Suttorp in praefectura Oldenstat: 9) *Stocbeim* est Stokem in eadem praefectura: 10) *Masendorp* est Mazendorp in praefectura Oldenstat: 11) *Emmenthorp* est Emmendorp intra praefecturam Medingen: 12) *Eppenbusen* est Eppensen in praefectura Medingen: 13) *Addunesthorp* est Addensdorp in praefectura Medingen. Haec villa cum circa Wigmannesburgum in Principatu Luneburgico sint obuia, pagus Mosidi circa Wigmannesburgum situs non fuit. Villa Wigmannesburftal ubi inuenienda sit, iudicent docti viri, Veterem Marchiam incolentes. Mihi nota sunt quaedam loca in Veteri Marchia sita, quae Burgstad et Borftal appellantur. Fortassis quaedam villa in eadem prouincia reperitur, cui maior cum Wigmannesburftal est similitudo. Inter haec notatu dignum esse putamus, familiam *Billinganam* in pago *Morweddi* ad Albim possedisse praediorum nonnihil, vti ex hoc loco apparet. Quanam vero fuerint ea bona, quae Amelungus donauit, dicemus distincte in nostra *Clientela Corbeiensi*.

- (m) *Bardo comes*, frater Walberti et nepos Widekindi Magni, fator fuit principum De Barwaldeccensium, vti supra §. 104. not. (u) demonstrare adgressi sumus. done comite.
- (n) Infra (§. 337.) nominatur quidam *Wicbert* filius Bardonis, qui hic locum habere De Wicon non videtur. Fortassis hic fuit filius Walberti, et pronepos Widekindi Magni, berto, postea creatus Episcopus Verdensis.
- (o) Dignissimum esse hunc locum, qui explicetur planissime, omnes nobiscum vno ore profitebuntur. Indicari hic *Luidolfum*, quondam comitem et ducem Saxoniae celebratissimum, multorum regum, imperatorum, et ducum patrem et progenitorem, nemo negare auit. Nesciuere adhuc plerique eruditi, quis huius *Luidolfi* pater existerit. Hic vero locus ipse illum significat. Ante omnia autem hic chronologicum argumentum praemittere debemus, demonstraturi, vixisse eodem hoc tempore, quo haec tradita sunt, celeberrimum istum *Luidolfum*. Et vt hoc eo planius fiat, primum ex ipsis his traditionibus ostendemus, quonam circiter tempore haec traditio proposita fuerit. Id autem elucet ex §. 133. Ibi enim *comes Esic* res, quas imperator Hlotharius illi tradiderat, sitas in pago Ri-boariense atque comitatu Bunnensi in Castenica, donauit monasterio nostro Corbeiensi. Ad hanc narrationem illustrandam facit diploma imperatoris Hlotharii, cuius iam supra §. 110. not. (1) mentionem inieciimus. Illud infra (§. 133) ex autographo in medium adducemus. Id ipsum anno imperii Hlotharii per Italiam XXIII, et per Franciam IIII, die XX. Martii datum fuit. Hos annos imperii, per Italiam capeffiti, supputare decet ab anno 821, quo Hludowicus pius mense Maio Nouiomagi regnum inter filios diuisit, testante Eginhardo *Annal. Rerum Franc.* f. 170. his verbis: *Iterum conuentus mense Maio Nouiomagi habendus indicium est, comitesque, qui illuc venissent, deputati. Eo anno (821.) dominus imperator post festi paschalis expletionem per Mosam nauigauit, ibique constitutam annis superioribus atque conscriptam inter filios suos regni partitionem recensuit, ac iuramentis optimatum, qui tunc adesse potuerant, confirmauit.* Anni autem regni illius Lothariani per Franciam computandi sunt a diuisione regni inter Hlotharium et Carolum, seu mense Maio anni 839 Wormatiae sancita, testantibus *Annalibus Rev. Franc. Fuldens. Tom. 1. S. R. Germ. Freberi* p. 24. his verbis: *Post pascha mense Maio Wormatiam veniens (imperator) Hludbario filio suo, de Italia in fidem venientis, reconciliatur, regnumque Francorum inter eum et Carlum filium suum*